



25. ԷՐԿՈՒ ԳԻԺ ԱԽՊԵՐՏԻՆՔ

Էրկու ախպեր են ընում, էրկուսն էլ գիծ են ընում։ Սրանք ամեն վախտ տանում էին տավարը հանգը արածացնելու։ Մի անգամ պուճուր ախպերը տանից հաց վե կալավ, որ տանի հանգը իրա ախպոր հմար։ Ծամփին տեհավ՝ մի մարդ իրա հետևից հա՛ գալիս ա։ Էս կապովի գիծը հացերից մինը վեր գցեց։

— Ըհը՛, ա՛ն էս հացը ու ռադ իլ գլխիցս։

Էլի տեհավ, որ դալիս ա հետևից, մի հաց էլ գցեց։

— Ա՛ն էս էլ, օ՛հ, ինչ աչքածակ մարդ ա էլե, էսքան տվի, չկշտացա՛վ։

Էսպես, մինչև հանդը ինչքան հաց ուներ վե գցեց, չունքի էն մարդը, որ նրա աչքին երևում էր, հենց իրա շվաքն էր։ Էկավ իրա ախպոր մոտ անհաց։

Մեծ ախպերը ասեց.— Տո՛, այ գիծ, քու հացը ո՞ւր ա։

Նա պատասխան տվեց.— Տեսնո՞ւմ ես էս մարդը, բոլոր հացը կերել ա, էլի դեռ փորը չի կշտացել ու հետևիցս գալիս ա։ Ինչ աչքածակ մարդ ա՛ էլե սա։

Տավարը էս էրկու ախպերտինքը քշեցին, որ տուն տանեն։ Ծամփին մի դետ ռաստ էկավ ու էս գիծ ախպորտանց տավարը չէր անց կենում։

— Հա, չըլնի վախենում եք սապօկենեռնիդ թրջվի, էնդուր հմար շեք ուզում ջուրը անցնի,— ասեցին էս գիժ ախպերտինքը ու նրանց պճեղները դանակով մին-մին հանեցին, արինշաղաղ ոտ-ներով գցեցին գետն ու իրանք էկան տուն։

— Տավարը տուն հո չի էկել,— հարցրին էս գիժ ախպերտինքը,— նրանք մեզանից առաջ են ճամփա ընկել։

Տեհան, որ ոչ տավար կա, ոչ էլ բան, շունքի բոլորն էլ ջրում խեղդվել էին։

